

金陵全書

金陵全書

甲編·方志類·府志

至正金陵新志

(三)

(元)

張鉉修纂

南京出版社

圖書在版編目 (CIP) 數據

至正金陵新志/ (元) 張鉉修纂. — 影印本. — 南京
: 南京出版社, 2010.10
(金陵全書)
ISBN 978-7-80718-656-4

I. ①至… II. ①張… III. ①南京—地方志—元代
IV. ①K295.31

中國版本圖書館CIP數據核字 (2010) 第202915號

書 名 【金陵全書】 (甲編·方志類·府志)

至正金陵新志

編 著 者 (元) 張 鉉 修纂

出版發行 南京出版社

社址: 南京市成賢街43號3號樓 郵編: 210018

網址: <http://www.njpbs.com>

聯系電話: 025-83283871 (營銷) 025-83283883 (編務)

電子信箱: njpbs1988@163.com

統 籌 杞 勇 樊立文

責任編輯 許小彥 陸永輝 吳新婷

裝幀設計 楊曉崗

責任印製 孫偉實

制 版 南京新華豐制版有限公司

印 刷 南京凱德印刷有限公司

經 銷 全國新華書店

開 本 889×1194毫米 1/16

印 張 156.75

版 次 2010年11月第1版

印 次 2010年11月第1次印刷

書 號 ISBN 978-7-80718-656-4

定 價 2400.00 元 (全三冊)

金陵新志卷之十二

古蹟志總叙

自古國家有所興造曷嘗不覽前代之制而爲之損益凡人之衣服飲食居處文爲其始曷嘗不因踵前人之遺緒而稍加異乎昔黃帝鑄鼎荆山接萬靈明廷其崩也羣臣葬衣冠橋山禹鑿龍門伊闕疏九河會諸侯朝羣臣於茅山會稽其崩也葬會稽漢時泰山有古明堂遺趾而封泰山禪梁父者七十餘君此非載之史冊誦

於學士大夫則其盛節遺風泯焉不傳豈不惜哉金陵雲陽之虛有古帝王遺跡書缺漫不可詳繇秦漢以來爲都者八爲藩鎮治所無慮數十賢人君子相與憂勞治其繭絲保障歌哭於斯者多矣其典章制度與時因革者既列前八志復紀識其城闕官署第宅陵墓碑碣著其時制在所俾觀於古者有考焉傳言墟墓之間未施哀於民而民哀宗廟之間未施敬於民而民敬此言人之善心油然而感於所見矧其善惡成

敗之蹟足為勸戒者乎述舊章覽遺事作古蹟

志

金陵歷三吳二宋總名古蹟年月詳見事下各仍舊稱不復識別景定志有考證今引之

城關官署

歷代城關官署參錯須互考得其彷彿故以類附身

古固城春秋時吳所築也在溧水州界

乾道志在縣西

角六十里高丈五尺羅城周七里二百三十步

子城一里九十步按勝公廟記固城吳時瀨渚

縣也楚靈王與吳戰吳軍不利遂陷此城吳乃

移瀨渚於溧陽南十里改為陵平縣平王立使

蘇乃為將戰敗吳軍以吳陵平縣改平陵縣王

聽費無極佞言伍員奔吳闔閭用為將舉軍破

楚固城宮殿逾月烟焰不滅其城遂廢又按笠

澤叢書溧陽昔為平陵縣南十餘里有故平

陵城而圖經乃載平陵於溧陽載固城於溧水

益未詳也戚氏云以地考之平陵有二其一晉

大五上

金陵新志

二

吳書

平陵即永世城其一則在唐溧陽南十里吳所
置也與固城東西相去已遠圖經之說爲是故
嘉定溧陽志歷載永世唐縣平陵三城而景定
郡志咸淳溧水志猶言固城亦名平陵則失於
不考嘉定志耳但勝公廟記嘉定志以爲未見
全文今亦不知何時何文以蔣日用城隍之記
言之唐立溧陽至開元近百餘歲記若指此爲
溧陽則唐人文也宋紹興中溧水尉喻居中於
固城湖得東漢溧陽長潘乾校官碑蓋其地乃
漢之溧陽也周益公南歸錄乾道壬辰自鄧安
東灞溧水登陸行十五里至銀樹有一二百家
若水泛則自此便通舟又六七里至雙港口復
登舟約十餘里至固城湖日猶未晡蓋數百家
之聚登妙智庵觀范同參政父墳晚步固城上
父老謂之楚王城其周數里但存城基庵中石
龜碑趺乃去歲掘城得之云天寶彌勒寺碑也
次日肩輿五六里至禪林山惠照院啓天申節
寺僧云相去二十里有遊子山儒童院蓋夫子節

遊歷之地不記圖志所載云何歸舟解纜渡湖
水財數尺然亦瀰漫其中多葑葑九三十里至
石橋地約五十里至太平州河口兩岸多民居
烟樹如畫稍前即永豐圩夜泊黃池鎮鉅固城
湖已百一
十里云

古越城一名**范蠡城**案宮苑記周元王四年越

相范蠡所築在今瓦棺寺東南望國門橋西北

圖經云城周廻二里八十步在秣陵縣長千里

今江寧縣廨後遺址猶存俗呼爲越臺金陵故

元王四年范蠡佐越滅吳欲圖伯中國立城於

金陵以强威勢郡國志云在縣南六里東甌越

王所立吳王淠敗保此城後走丹徒晉王含以

水陸五萬逼淮溫嶠燒朱雀航以挫其鋒遂潛

大石十九

金陵新志

三

卷之六

小三才卷七

金陵新志卷七

三

師渡水大破含軍於越城南盧循犯建康劉裕
恐其侵軼用虞丘進計伐木柵石頭城修治越
城齊崔慧景反蕭懿入援自采石濟岸頓越城
梁武義師次新林遣王茂虔越城實錄注云越
王築城江上鎮今淮水南一里半廢越城是也
案越絕書其城越范蠡所築城東南角近故城
望國門橋西北即吳牙門將軍陸機宅故機入
晉作懷舊賦望東城之紆餘即此城在三井岡
東南一里而瓦棺寺閣在岡東偏也令南門外
江寧縣解後有越臺與天禧寺相對近時詩人
指越臺為越女取
越土築臺者非也

楚金陵邑城威王滅越私吳越之富擅江海之

利置金陵邑於石頭及負芻為秦所滅至漢高

帝時封韓信於楚鄣郡屬焉六年廢周顯王三十六年楚

滅越乃因山立號置金陵邑今石頭城是也楚威王後一百一十餘年當秦始皇二十二年秦郡楚亡後一十三年當始皇三十六郡以金陵為鄣陵邑為秣陵縣乾道志金陵邑城在清涼寺西去臺城九里南開二門東一門又見山川志

古賴國城在今溧水州界

案實錄吳廢帝亮崩于侯官道上晉太康

中故少府卿丹陽戴顯上表迎屍歸葬賴鄉春秋傳昭公四年楚伐吳秋七月圍朱方八月遂滅賴楚子欲遷許於賴使闔韋龜與公子棄疾城之而還冬東國水不可以城彭生羅賴之師朱方即今鎮江也陳國苦縣雖有賴鄉與朱方相去甚遠亦非東國有水之地其賴城豈非即晉時賴鄉今之溧水乎故勝公廟記謂楚靈王與吳戰吳軍不利遂陷賴渚伍子胥投金甌止名瀨水戰國策范環對楚懷王亦言楚乘越亂南察瀨湖而野江東合前後觀之賴之為溧水

太平七

卷之二十一

吳晉

甚明吳音訛賴為溧自漢以來遂名溧水而古蹟間有存者其苦縣賴鄉或楚滅賴之後徙其

人於彼未可知耳景定以前圖經失不詳考威氏志始畧言之今存此城以俟博古者稽焉

吳石頭城

見山志

丹楊郡城案宮苑記在長樂橋東一里南臨大路城周一頃開東南北門漢元封二年置丹楊

郡至晉太康中始築城宋齊梁陳因之不改志

丹楊郡先治宛陵建安十三年孫權分為新都郡二十六年權始置丹楊郡自宛陵治建業永

安中分置故鄣郡丹楊郡所領惟溧陽以北六縣晉太康元年改建業復為秣陵置江寧縣唐初

廢為州天寶元年復置至德二載析置江寧郡元和郡國志丹楊郡故城在今江寧縣東南蔡

此為試讀, 需要完整PDF请访问: www.ertongbook.com

宗旦金陵賦注云右圖長樂橋東一里今桐林灣軍寨處

古都城案宮苑記吳大帝所築周廻二十里一

十九步在淮水北五里黃龍元年自武昌徙都

晉元帝初過江不改其舊宋齊梁陳皆都之宋

世宮門外六門城設竹籬至齊高帝建元元年

有發白虎樽言白門三重門竹籬穿不全上感

其言改立都墻本紀建元二年立六門都墻是

也其後增立爲十二門云考證案宮室記吳大帝遷都建鄴有曰太

初宮者即長沙王故府徙武昌宮室材瓦所繕也有曰臺城蓋官省之所寓也有曰東府蓋宰

相之所居也有曰西州蓋諸王之所宅也有曰倉城蓋儲蓄之所在也皆不出都城之內輿地志曰晉琅瑯王渡江鎮建鄴因吳舊都修而居之宋齊而下宮室有因有革而都城不改東南利便書曰孫權雖居石頭以扼江險然其都邑則在建鄴歷代所謂都城也東晉及齊梁因之雖時有改築而其經畫皆吳之舊隋既平陳此城皆毀今之都城非舊也

臺城

一曰**苑城**

詳見前圖考

東府城晉安帝義熙十年冬城東府在青溪橋東南臨淮水周三里九十步去臺四里簡文為王時舊第後為會稽王道子宅道子錄尚書事以為治所時人呼為東府其子元顯亦錄尚書

事時謂道子為東錄元顯為西錄西府車騎填

湊東第門下可設雀羅東第即後東府城也會稽

王傳嬖人趙牙為道子開東第築山穿池列樹竹木工用鉅萬帝嘗幸其宅謂道子曰府內有

山因得游矚甚善然修飾太過非示天下以儉道子謂牙曰上若知山是版築所作爾死矣牙

曰公在牙何敢死其城東北角有土山曰靈秀即牙所築也宋武帝領揚州日築東府城以居

彭城王義康文帝元嘉中義康更開拓地墉浚西塹自後常為宰相府第景和中嘗改為未央

宮明帝時建安王休仁鎮東府訛言東城出天子帝懼殺休仁而常閉東府不居桂陽王休範

反車騎典籤茅恬開東府納賊齊高帝封齊王以東府為齊宮梁太清三年侯景舉兵毀板女

牆以輓甃為之紹泰末盡羅焚毀陳天嘉中更徙治府城東三里齊安寺西臨淮水陳亡廢

西州城即古揚州城漢揚州治曲阿晉永嘉中

遷于建康王敦始為建康勅立州城即此城也

案建康實錄城所置西則冶城東則運瀆天慶

觀之東西州橋是一說石水之亂焚燒府舍陳

敏營孫氏故宫居之元帝初渡江即敏府創今

城考證晉孝武太元末會稽王道子領揚州居

王邱西州為丹楊尹治所謝安為時人所愛重

及鎮新城盡室而行造沉海之裝欲須經畧粗

定自江道還東雅志未就遂遇疾篤上疏請旋
施詔遣還都聞當入西州門自以本志不遂深
自慨失及薨後安所知羊曇者輟樂彌年行不
由西州路嘗因石頭大醉扶路唱樂不覺至州

門左右曰此西州門曇悲感不已因慟哭而去
宋時徐羨之住西州高祖嘗思之即步出西掖
門往見焉寰宇記云西州學者多未曉江寧府
有東府城城中有揚州解而揚州在府西故時
人號爲東府西州東府城之西門謂之西州門
世說王丞相治揚州解按行而言曰我爲何次
道治此爾何少爲王公所知是以發此歎今西
州也舟楊記曰易州解王所居諸葛恪則治
建業晉自周浚至王仍吳舊王復領州牧及桓
溫玄悉治王府王茂洪以及玄讓則在建康永
嘉七年顧榮誅陳敏揚州刺史劉機治建康王
氏代機元帝渡江居城府王便立州解於此宋
殷景仁既拜揚州羸疾遂篤上敕西州道上不
得有車聲孝武時災惑守南斗上乃廢西州舊
館使西陽王子尚移居東府城以厭之揚州別
駕沈懷明曰天道示變宜應之以德今雖廢西
州恐無補也上不復西州竟廢

冶城

詳見前圖考

琅邪城在江乘縣界晉元帝以琅邪王過江國

人隨而居之因城焉在縣東北六十三里今句

容縣琅邪鄉即其地也

考證齊武帝永明元年移琅邪於白下置大起

樓觀講武於此南徐州記江乘南岸蒲洲津有琅邪城則琅邪城與白下相邇今句容縣有琅

邪鄉蓋與江乘縣界相接是蒲洲津與白下皆邪城也一在上元縣金陵鄉西北去縣十

有琅邪城也一在上元縣金陵鄉西北去縣十四里乃白下之城或者直以蒲洲津城為白下

非也王隱晉書江乘南岸有琅邪城講武習水步史以治之齊永明六年於琅邪城講武應詔詩云

觀者傾都王融從武帝琅邪城講武應詔詩云白日映丹羽頽霞文翠旂凌山炫組甲帶水被戈船謝朓有江孝嗣成琅邪城許南史齊王融